

磬者曰筍簾橫曰筍縱曰簾簫編二十三管尺四寸者
曰言十六管長尺二寸者笈管長尺圍寸并漆之有底
大者曰簫中者曰篴小者曰篴簫如笛三孔而短小七
孔大者曰產中者曰仲小者曰筠與今文詳略不同

讀雅筆記卷上終

讀雅筆記卷中

南通州李雲鐵垣著

同里袁運泰校刊

爾疋注引三家詩

三家詩見爾疋注者如釋詁篇引遂撫大東今詩作遂
荒此言遂撫者或當在齊魯韓詩也陽如之何引魯詩
釋訓篇心焉惕惕韓詩以為悅人釋詁篇疏亦引韓詩
劉彼甫田釋器疏又引韓詩說金壘大夫器也天子以
玉諸侯大夫以金士以梓

爾足注引逸書

爾足注引逸書如釋詁篇逸書曰釗我周王釋鳥篇逸周書曰文翰若彩雞也至引俘厥寶玉則書序文耳

注引詩與詩異

釋詁篇注引詩胡不承權與今秦風作于嗟乎不承權與引詩嗣先公爾首矣今大足作似先公首矣無爾字注引左傳與左傳異

釋詁篇引禁禦不若左傳無全文蓋合文十八年傳以禦魑魅宣三年不逢不若而為文也引百姓輯睦今左

傳作羣臣輯睦古百姓作百官訓故可通也釋天篇引今又荐飢則晉語文而亦謂之左傳者國語亦邱明所作外傳也至引般馬之聲左傳作班引使擇美榘左傳作檣則如引書偁爾戈引詩以秣蓀蓼古今文耳

注與毛傳異義

爾足注多引毛傳其引詩與毛異義者如釋水篇引導彼汝瀆毛傳以為大防郭以証汝水分出處也

疏與毛傳同義

釋邱墳大防疏引導彼汝墳从墳不从瀆與毛同義者

言各有當也

注與服注異

服虔左傳注七十曰耄爾足注八十曰耄耄有七十八十自可通也

注與陸璣疏異

陸璣疏紫貝白質如玉紫點為文釋魚篇注紫貝以紫為質黑為文

注與朱注異

爾足注解北辰與論語朱注不同朱注以為天樞郭注

邢疏竝以辰為時云居天之中人望之在北斗杓所建以正四時是誤以北斗為北辰也然北戴斗極為空桐疏又云斗北斗也極中宮天極星其一明者大一之常居也北斗拱極故云斗極是又區斗極為二也

疏與朱注異

菴王芻竹篇蓄疏引詩菴竹猗猗証之是以菴竹為二物與毛氏同與朱注異也

注以方言証經

汝墳本南國之詩而郭注引王室如燬謂燬齊人語是

以方言証經非謂言燬者盡齊人也

注引齊諺

釋木篇注引齊人諺曰上山斫檀榘榼先殫最古雅

注引歸藏

釋畜篇注引歸藏曰兩壺兩輸按歸藏齊母經云瞿有瞿有觚宵梁為酒尊於兩壺兩輸飲之三日然後蘇士有澤我取其魚

郭注用韻

釋訓篇郭注多用韻如梧桐茂賢才衆地極化臣竭忠

鳳凰應德鳴相和百姓懷附與頌歌賦役不均小國困竭賢人憂歎遠益急切盛飾宴安近處優閒悼王道穢塞羨蟬鳴自得傷已失所遭讒賊賢者陵晉姦黨熾背公卹私曠職事陋人專祿國侵削賢士求哀念窮迫它篇不用韻此獨用韻者緣此篇子子孫孫引無極也等句亦多有韻郭氏仿經文也

刑疏字法句法

釋親篇疏黨是鄉之細也字法與左傳楚為晉細同妙句法與夏小正傳囿者山之燕也同妙

郭注勝舊注

釋詁篇覲鬃第離孫叔然字別為義而郭氏以為即叢茸翳蒼意勝舊注矣又釋蟲篇孫叔然以方言說蝻蝗以螺為八角螫蟲皆誤郭氏正之

郭氏不知字誤

釋言坎律銓也注云次主法法律皆所以銓量輕重按坎無銓字之義坎當為吹形相近而譌說文吹詮詞也班固幽通賦吹中飶為庶幾兮顏師古注吹古聿字也文選吹作聿蓋吹即曰之異文古曰字通作聿幽風曰

為改歲漢書食貨志作聿為小足見覲曰消韓詩作聿消大足予曰有奔走二句王逸楚辭章句引作聿是也律有詮具之義中庸上律天時鄭注律述也述天時謂編年四時具也古聿字或作通孫炎曰通古述字說文聿所以書也楚謂之聿吳謂之不律燕謂之弗釋器不律謂之筆不為發聲律即聿通即述也故鄭于禮記訓為述郭以坎主法律為解殆未知其字有舛誤耳

禕字當作禕

釋詁禕美也說文示部無从韋之字案唐石經爾足此

字本从衣東京賦侯其禕而薛綜注禕美也釋詁之禕當从衣可知

閑謂之門有脫誤

禮記禮器為祊乎外正義引釋宮作廟門謂之祊祊與閑同今本爾足閑謂之門文義不順不備似脫誤

霽字誤

釋天天氣下地不應曰霽文選甘泉賦李善注引作天氣下地不應曰霧所見本與今本異也上句作霧下句當作霽玉篇霽地氣發天不應也

禕字誤

釋詁禕告也禕之訓告義無可尋案說文禕告祭也禕禕字形相近必禕字之訛矣

郭注之誤

晉語郵而效之郵古通尤郭注訓郵過也道路所經過誤矣不律謂之筆許氏云吳謂之不律郭云蜀人呼筆為不律觀作爾足者多用江南音命物郭氏恐誤吳都賦雙則比目片則王餘郭注訓比目為王餘混為一物亦誤也

郭邢俱誤

釋詁篇歷傳也傳與敷同五經文字曰較經典相承隸
省作敷書舜典敷奏以言前漢書宣帝紀傳奏其言詩
商頌長發篇敷奏其勇大戴禮作傳奏其勇敷傳通用
者多矣天官家法以一而衍之至于億兆京垓秭壤谿
澗正載有敷義馬郭邢本左傳庚辰傳于許文訓傳為
近恐非又釋地篇幽都之筋角幽都地名即燕都也郭
邢以為山名誤矣

邢疏之誤

寓屬疏寓寄也言此上獸屬多寄寓木上故題云寓屬
按寓字从內音蹂說文獸足蹂地也細玩本文其跡躔
其跡連其跡解其跡迄其跡刻無前足麇足狗足旄毛
狗足其足躔其跡瓜多狃注腳饒指皆謂獸足之有掌
爪非若馬蹄然者言也若以寄寓木上言則僅猶善登
木獠媛善援雖邛鼻注鼻露向上雨即自懸于樹數者
而已似不可為訓

注疏義未備

釋言兆域也兆與肇同詩商頌元鳥篇肇域彼四海箋

肇當作兆疏言正天下之經界以四海為兆域是也郭
邢專以墓地言之義未備釋訓篇朔北方也朔有始義
王伯厚云北方終陰而始陽故曰朔方郭云幽朔邢引
舍人曰朔盡也義亦未備

義當補

暨及也而訓為不及筆聿也而訓為不律此亦以徂為
存以亂為治以曩為曠以故為今以勿念為勿忘以誰
昔為昔之義注疏皆未援此例亦義之當補者

字宜从陸本

釋詁篇注引方言曰荆吳淮泗之間曰展陸本泗作汭
按方言注云汭水名也音芮則宜从陸本

郭注未詳

郭注未詳未聞未見所出者凡百四十二條

邢補郭注

釋詁篇劉未聞邢云說文草大也韓詩劉彼甫田肇未
詳邢云大足肇敏戎公逐未詳邢云考槃詩箋軸病也
軸與逐古今字求引大足世德作求卒引牝風畜我不
卒釋言篇邕支載也邢云謝氏云邕又作擁擁者護之

載廩廨也邢云廣疋廨倉也廩廨即困倉之別名孫炎云廨藏穀鮮潔也釋訓篇萌萌在也邢云字書作煎說文作蔎釋宮篇屋漏邢云鄭箋屋小帳也漏隱也禮祭于奧既畢改設饌于西北隅扉隱之處此祭之末也孫炎云屋漏者當室之所白日光所漏入又官字邢云李巡云官養也說文亦云釋水篇徒駭胡蘇邢云禹疏九河以徒衆起故曰徒駭其水下流故曰胡蘇

邢未見所出

釋樂篇注云瑟二十七絃邢云未見所出

補注疏未釋

釋詁省絺縠大疋帝省其山鄭箋省善也禮大傳省於其君注善于其君謂免于大難也絺玉篇善也唐王方慶名絺慶訓為善唐人猶知古義集韻音森或作縻楚辭九懷舒佩兮絺纒木華海賦被羽翮之縻襪穀詩大疋敦弓既句注句穀通射至于穀射之善也急說文靜也又息也急同屹廣韻靜也史記周本紀棄為兒時屹如巨人之志顛音螳說文謹莊貌顧音隗說文頭閑習也晉有周顛裴顧以是命名禧通釐史記孝文紀祠官

祝釐師古曰釐本作禧義韓詩外傳引漢廣之詩江之
漾矣說文作羨孟班固幽通賦蓋孟晉以迨羣注孟晉
勉進也洛誥汝乃是不覆孟即覆之轉音寅臯陶謨同
寅協恭謂同進而協恭也滕易咸卦滕口說也滕有虛
義除翦擁篲皆古人服勤之事故曰勤鴻昏於顯四字
斷句間代也三字斷句於同鳥鴻以秋來以春去故曰
昏鳥以曉鳴以暮集故曰顯艾即嬖也歷徧閱也有視
義神戰國策引小足上天甚神神有治義翠集韻與霎
雪同吳都賦靱雪驚捷俗謂瞬息為一雪元良連讀太

甲一人元良故曰首也賡揚即繼續二字連讀書曰賡
揚文武之光命郭邢讀斷故不得其義也釋言洵龕也
龕與戡同又與堪同辟歷也君陳辟以止辟梓材殺人
歷人注歷人罪人所過釋訓怵怵集韻音飶和悅也又
同怵怵恃也音是釋草蒹苧焚神農本草蒹蒹一名鬼
苧菴懷羊西京賦我葵懷羊謂菴即魁羊即苧者誤釋
蟲傳負版即柳子厚所為作蝨蝨傳者釋魚鰲鯨鄭樵
云今鰻魚也或以為鮓魚非

後儒解經之妄

釋樂徒鼓鐘謂之修徒鼓磬謂之蹇或以楚辭蹇脩釋之是以良媒為樂節釋草經履或引方言絲作者謂之履釋之是以扉履為草名皆謬說也

對鼯鼠者兩人

漢武帝時得豹文鼯鼠孝廉郎終軍知之賜絹百匹文選注引竇氏家傳以為竇攸世祖詔諸侯子弟從攸受爾足

善讀爾足

終軍之對鼯鼠盧若虛之辨鼯鼠江南進士之問天雞

劉原父之識六駁可謂善讀爾足者矣蔡謨不識彭蜺田敏不知日及學之陋也

五家四家

郭璞序注者十餘陸德明叙錄犍為文學注二卷劉歆注三卷樊光注六卷李巡注三卷孫炎注三卷惟此五家若沈旋施乾謝濟顧野王四家在郭氏後

八人

邢昺撰疏與杜鎬舒雅李維孫奭等八人討論以郭景純為主

郭璞贊

郭璞爾足注外別撰圖贊二卷如釋水初學記引云川
瀆綺錯渙瀾流帶潛潤旁通經營華外殊出同歸混混
東會釋文引云昆侖三層號曰天柱實惟河源水之靈
府釋草御覽引云鞠名曰精布華元月仙客是尋薄采
薄捋爾足翼引云卷施之草拔心不死屈平嘉之諷詠
以比取類雖邇興有遠旨釋木說文繫傳引云桂生南
裔拔華峯嶺廣莫熙葩凌霜津穎氣王百藥森然雲挺
釋蟲爾足翼引云蟲之清潔可貴唯蟬釋鳥疏引云鶴

鷦之鳥一名墮羿應弦銜鏑矢不著地逢蒙縮手養由
不睨釋獸疏引云狒狒怪獸被髮操竹獲人則笑唇蔽
其目終亦號咷反為我戮又釋魚贊云蛇之殊狀其名
曰虺其尾如頭其頭如尾虎豹可踐此難忌履金銀贊
云惟金三品揚越作貢五材之珍是謂國用務經軍農
爰及雕弄比目魚贊云比目之鱗別號王餘雖有二片
其實一魚協不得密離不為疏比翼鳥贊云鳥有鷦鷯
似鳧青赤雖云一質氣同體隔延頸離鳴翻飛合翮和
首蛇贊云夔稱一足蛇則二首少不知無多不覺有雖

資天然無異駢拇菟葵贊云吹萬不同陽煦陰蒸歛冬
之生擢穎堅冰物體所安焉知渙凝螢火贊云熠燿宵
火物之微么出自腐草煙若散漂物之相煦孰知其陶
雖贊云寓屬之才莫過于蛭雨則自懸塞鼻以尾厥性
雖陋列象宗彝

舍人姓郭

陸德明經典釋文叙錄爾疋捷為文學注三卷一云捷
為郡文學卒史臣舍人錢竹汀云廣韻有舍姓蓋其人
姓舍名人然李善文選羽獵賦注引郭舍人爾疋注是

其人姓郭漢書東方朔傳有幸倡郭舍人即其人也

置博士

漢文帝置爾疋博士

歷代注爾疋

自捷為文學劉歆樊光李巡孫炎郭璞外有江灌圖贊
一卷音六卷沈旋集注十卷施乾爾疋音謝嶠爾疋音
顧野王爾疋音曹憲爾疋音義二卷釋智騫爾疋音義
二卷陸德明爾疋釋文一卷音義二卷蜀母昭裔音略
三卷裴瑜爾疋注五卷高璉爾疋疏七卷邢昺疏十卷

王元澤爾足陸佃爾足新義二十卷鄭樵注三卷潘翼
爾足釋羅願爾足翼三十二卷洪焱祖爾足翼音釋三
十二卷陳櫟爾足翼節本胡炳文爾足韻語危素爾足
略義十九卷薛敬之爾足便音羅日裝爾足餘八卷譚
吉璉爾足廣義五十一卷亡名氏爾足音訓二卷互注
爾足貫類一卷爾足兼義十卷爾足發題一卷近有翟
灝爾足補郭卣晉涵爾足正義

仿爾足名書

孔鮒小爾足劉伯莊續爾足李商隱蜀爾足劉溫潤羌

爾足晁氏志有蕃爾足梅彪有石藥爾足

爾足支派

張揖廣足曹憲博足即廣陸佃埤足劉杳要足明王達
類足朱謀瑋駢足國朝吳玉搢別足馬應龍梵足至
鄭露嶠足梅鼎祚宛足雖以足名非其體也釋名方言
等皆爾足之族不以足名故不備錄

爾足本二十篇

漢志爾足三卷二十篇今本十九篇蓋漢志析釋詁為
上下篇也

爾疋本無叙篇

詩周南關雎詁訓傳正義川爾疋叙篇文云釋詁釋言
通古今之字古與今異言也釋訓言形貌也近人欲以
叙篇充漢志二十篇之數然爾疋果有叙篇景純豈應
刪而不注且唐初作正義時尚存此篇則魏張揖著廣
疋亦必沿用之矣

附孝經論語

漢藝文志爾疋附孝經隋經籍志爾疋附論語

史佚教子孔子告君

劉向謂史佚嘗教其子以爾疋三朝記哀公曰寡人欲
學小辨以觀于政可乎孔子曰爾疋以觀于古足以辨
言矣